

Na osnovu člana 37. i člana 81. Statuta Općine Novi Grad Sarajevo („Službene novine Kantona Sarajevo“ br. 30/09 – novi prečišćeni tekst), člana 2. stav 1. tačka 7. i člana 5. Odluke o podsticajima u poljoprivrednoj proizvodnji (“Službene novine Kantona Sarajevo”, broj: 14/2017) i člana 3. Programa podsticaja razvoju poljoprivredne proizvodnje za 2017. godinu broj: 02/03-24-9996/2017 od 15.05.2017. godine, a na prijedlog Službe za privredu i lokalni ekonomski razvoj Općinski načelnik donosi

Pravilnik o utvrđivanju uslova za ostvarivanje prava na dodjelu plastenika površine 50m²

OSNOVNE ODREDBE

Član 1.

Ovim pravilnikom utvrđuju se uslovi za apliciranje za ostvarivanje prava na dodjelu plastenika površine 50m², postupak raspisivanja Javnog poziva za podsticaj plasteničkoj proizvodnji - ostvarivanje prava na dodjelu plastenika površine 50m², postupak apliciranja i kriteriji za utvrđivanje rang liste za dodjelu plastenika površine 50m², a na osnovu Javnog poziva za podsticaj plasteničkoj proizvodnji- ostvarivanje prava na dodjelu plastenika površine 50m².

Član 2.

Pravo na apliciranje za ostvarivanje prava na dodjelu plastenika površine 50m² imaju svi zainteresovani građani - fizička lica (neregistrovana i registrovana lica u skladu sa Zakonom o obrtu i srodnim djelatnostima) upisana u Registar poljoprivrednih gazdinstava i Registar klijenata koji imaju prebivalište na području Općine Novi Grad Sarajevo u kontinuitetu od najmanje godinu dana i koji su vlasnici poljoprivrednog zemljišta ili imaju u zakupu zemljište (dokaz: ZK izvadak ne stariji od 6 mjeseci ili Ugovor o zakupu zemljišta na period najmanje od 5 godina sa ZK izvadkom zakupodavca i dr.) u površini od min. 500m² na području Općine Novi Grad Sarajevo, Kantona Sarajevo a i šire na području BiH.

Pravo na dodjelu plastenika površine 50m² ne mogu ostvariti lica koja su u periodu unazad 10 godina od dana objavljivanja Javnog poziva za podsticaj plasteničkoj proizvodnji - ostvarivanje prava na dodjelu plastenika površine 50m² ostvarila pravo na dodjelu plastenika od općina, Ministarstva, humanitarnih i drugih institucija.

Član 3.

Služba nadležna za poslove poljoprivrede provodi proceduru objave Javnog poziva za podsticaj plasteničkoj proizvodnji - ostvarivanje prava na dodjelu plastenika površine 50m².

Aplikacije za ostvarivanje prava na dodjelu plastenika površine 50m² sa pratećom dokumentacijom dostavljaju se Komisiji za dodjelu plastenika površine 50m² putem nadležne službe za poslove poljoprivrede Općine Novi Grad Sarajevo na originalnom obrascu koji se preuzima na info punktu Općine Novi Grad Sarajevo, poštom preporučeno ili predajom na protokol Općine Novi Grad Sarajevo.

Služba nadležna za poslove poljoprivrede zaprima i evidentira prispjele aplikacije, te po isteku Javnog poziva za podsticaj plasteničkoj proizvodnji - ostvarivanje prava na dodjelu plastenika površine 50m² iste zapisnički dostavlja Komisiji za dodjelu plastenika površine 50m².

IZBOR KANDIDATA

Član 4.

Općinski načelnik, na prijedlog službe nadležne za poslove poljoprivrede, objavljuje Javni poziv za podsticaj plasteničkoj proizvodnji - ostvarivanje prava na dodjelu plastenika površine 50m², na oglasnoj ploči Općine Novi Grad Sarajevo, oglasnim pločama mjesnih zajednica kao i web stranici Općine Novi Grad Sarajevo.

Javni poziv sadrži: uslove za apliciranje na Javni poziv za dodjelu plastenika površine, kriterije za utvrđivanje rang liste za dodjelu plastenika površine 50m², potrebnu dokumentaciju kao i postupak i rok za podnošenja aplikacija za ostvarivanje prava na dodjelu plastenika površine 50m² i eventualno druge potrebne podatke.

Izbor podnosioca aplikacija koji će ostvariti pravo na dodjelu plastenika površine 50m² vrši se na osnovu utvrđenih kriterija u članu 7. ovog pravilnika sačinjavanjem rang liste za dodjelu plastenika površine 50m² od strane Komisije za dodjelu plastenika površine 50m².

Član 5.

Općinski načelnik imenuje Komisiju za dodjelu plastenika površine 50m².

Zadatak Komisije je pregled prispjelih aplikacija i utvrđivanje prijedloga rang liste za dodjelu plastenika površine 50m² po objavljenom Javnom pozivu za podsticaj plastičkoj proizvodnji - ostvarivanje prava na dodjelu plastenika površine 50m², a na osnovu kriterija za utvrđivanje rang liste za dodjelu plastenika površine 50m².

Utvrđeni prijedlog rang liste za dodjelu plastenika površine 50m² Komisija za dodjelu plastenika površine 50m² dostavlja Općinskom načelniku na usvajanje.

O rezultatima Javnog poziva za podsticaj plastičkoj proizvodnji - ostvarivanje prava na dodjelu plastenika površine 50m² podnosioci aplikacija za dodjelu plastenika površine 50m² će biti obaviješteni putem oglasne ploče i web stranice Općine Novi Grad Sarajevo.

Podnosioci aplikacija koji nisu ostvarili pravo na dodjelu plastenika površine 50m² imaju pravo u roku od 8 dana od dana objavljivanja rang liste za dodjelu plastenika površine 50m² podnijeti prigovor Općinskom načelniku koji donosi konačnu odluku po prigovoru.

Član 6.

Podnosioci aplikacija koji su ostvarili pravo na dodjelu plastenika površine 50m² potpisuju Ugovor o dodjeli plastenika površine 50m² sa Općinom Novi Grad Sarajevo kojim će biti regulisana sva dalja međusobna prava i obaveze.

KRITERIJI ZA UTVRĐIVANJE RANG LISTE ZA DODJELU PLASTENIKA POVRŠINE 50m²

Član 7.

a) bodovi po osnovu pripadnosti jednoj od dolje navedenih kategorija:

- podnosilac aplikacije nezaposlen (nalazi se na evidenciji JU Zavoda za zapošljavanje Kantona Sarajevo-biro Općine Novi Grad Sarajevo.....10 bodova
- za svakog nezaposlenog punoljetnog člana porodičnog domaćinstva..... 3 bod
- borački status podnosioca aplikacije (demobilisani borac).....5 bodova
- borački status podnosioca aplikacije (demobilisni borac sa neriješenim radnim statusom)..... 7 bodova
- dodatni borački status člana porodičnog domaćinstva..... 2 bod
- porodica šehida, porodica poginulih, umrlih ili nestalih boraca..... 5 bodova
- podnosilac aplikacije ima priznat status RVI..... 5 bodova
- dodatni RVI status člana porodičnog domaćinstva..... 1 bod
- podnosilac aplikacije ima status civilne žrtve rata, neratnih invalida i u stanju je socijalne potrebe u skladu sa Zakonom o osnovama socijalne zaštite, zaštite civilnih žrtava rata i zaštite porodice sa djecom.....3 boda
- dodatni status člana porodičnog domaćinstva kao civilne žrtve rata, neratnih invalida i lica u stanju je socijalne potrebe..... 1 bod
- podnosilac aplikacije ima priznat status logoraša..... 3 bodova
- dodatni logoraški status člana porodičnog domaćinstva..... 1 bod
- podnosilac aplikacije penzioner sa utvrđenom minimalnom penzijom u FBiH.....2 boda
- dodatni status člana porodičnog domaćinstva - penzioner sa utvrđenom minimalnom penzijom u FBiH.....1 bod

b) posjedovanje certifikata o završenom kursu – edukaciji o plasteničkoj proizvodnji

.....5 bodova

Član 8.

Kada prijavljeni podnosioci aplikacija za ostvarivanje prava na dodjelu plastenika površine 50m² pri bodovanju na osnovu utvrđenih kriterija u članu 7. ovog pravilnika imaju isti broj bodova, prednost će imati podnosilac zahtjeva sa višečlanim domaćinstvom kao i onaj podnosilac aplikacije čiji je ukupni porodični prihod niži, odnosno čija su primanja po članu domaćinstva manja.

MONITORING I EVALUACIJA

Član 9.

Služba nadležna za poslove poljoprivrede vrši monitoring nad realizacijom Ugovora o dodjeli plastenika površine 50m² u periodu od 2 godine od dana potpisivanja Ugovora.

Nakon isteka perioda monitoringa nad realizacijom Ugovora o dodjeli plastenika površine 50m² služba nadležna za poslove poljoprivrede je dužna izvršiti evaluaciju efekata dodijeljenih budžetskih sredstava dodjelom plastenika površine 50m² na osnovu raspisanog Javnog poziva za podsticaj plasteničkoj proizvodnji-ostvarivanje prava na dodjelu plastenika površine 50m².

Član 10.

Ovaj Pravilnik stupa na snagu danom donošenja, a biće istaknut na oglasnoj ploči i web stranici Općine.